

2018թ.-ի մարտի 23-ի ««Տեսչական մարմինների մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի 3-րդ հոդվածի համաձայն սահմանվել է, որ Տեսչական մարմինը Կառավարությանը ենթակա վերահսկողություն իրականացնող պետական մարմին է: Նշված օրենքն ուժի մեջ է մտել նորընտիր Հանրապետության նախագահի կողմից իր պաշտոնի ստանձնման օրը՝ 2018թ.-ի ապրիլի 9-ին:

Վերոգրյալից հետևում է, որ 2017թ.-ի մայիսի 20-ից մինչև 2018թ.-ի ապրիլի 9-ն ընկած ժամանակահատվածի համար Հայաստանի Հանրապետության բնապահպանության նախարարության բնապահպանության և ընդերքի տեսչական մարմնում ներքին աուդիտի համակարգ ունենալու որևէ օրենսդրական պահանջ առկա չի եղել:

2018թ.-ի ապրիլի 9-ից տեսչական մարմնում ներքին աուդիտի համակարգ ունենալու վերաբերյալ անհրաժեշտ է փաստել հետևյալը.

«Ներքին աուդիտի մասին» ՀՀ օրենքի 15-րդ հոդվածի 3-րդ մասի համաձայն՝ Հայաստանի Հանրապետության կառավարությունը սահմանում է կազմակերպություններում նշված օրենքի համաձայն ներքին աուդիտի համակարգի ներդրման ժամանակացույցը:

Նշված ժամանակացույցը սահմանված է ՀՀ կառավարության 2011թ.-ի օգոստոսի 11-ի թիվ 1233-Ն որոշման 3-րդ հավելվածով, որտեղ պետական կառավարման մարմիններում ներքին աուդիտի համակարգի ներդրման վերջնաժամկետ է սահմանվել 2012թ.-ի ապրիլի 1-ը:

Վերոգրյալից հետևում է, որ տեսչական մարմնում՝ որպես Կառավարությանը ենթակա վերահսկողություն իրականացնող պետական մարմին, ներքին աուդիտի համակարգի ներդրման որևէ ժամկետ սահմանված չէ:

 Recoverable Signature

X 

ԱՐԹՈՒՐ ԳՐԻԳՈՐՅԱՆ

Հարգանքով՝ Signed by: GRIGORYAN ARTUR 1511810674

Ա. Գրիգորյան

Կալարող՝

Որակի ապահովման վարչության գլխավոր մասնագետ Ս. Բեգլարյան,
Իրավախորհրդատու Դ. Ստեփանյան



ՆԱԽԱՐԱՐ

MINISTRY OF NATURE PROTECTION OF THE REPUBLIC OF ARMENIA

MINISTER

МИНИСТЕРСТВО ОХРАНЫ ПРИРОДЫ РЕСПУБЛИКИ АРМЕНИЯ

МИНИСТР

0010, ք.Երևան, Հանրապետության հր. Կառավարական 3-րդ տուն
3 Government Bldg, Republic Sq, Yerevan, 0010, Armenia
0010, Армения, г. Ереван, Дом правительства, здание N3
պաշտոնական էլ. փոստ 10010608@e-citizen.am
էլ. փոստ /E-mail/ эл. почта: min_ecology@mnp.am
Web page: www.mnp.am
☎ (374 11) 818 501
☎ (374 11) 818 506

№ 1/ԱԱ/12980
28 « 12 » 2018 թ.

ՀՀ հաշվեքննիչ պալատի անդամ
պարոն Գ. Ոսկանյանին

Հարգելի պարոն Ոսկանյան


Ի պատասխան Ձեր 2018թ-ի դեկտեմբերի 17-ի N ՀՊԵ-ԳՈ-189 գրության տեղեկացնում եմ, որ բնապահպանության նախարարությունում ուսումնասիրվել է վերոհիշյալ գրությամբ ներկայացված արձանագրությունը, ինչի վերաբերյալ ներկայացնում եմ մեր առարկությունները.

1. 2018թ-ի մարտի 23-ի «Տեսչական մարմինների մասին ՀՀ օրենքում փոփոխություններ և լրացումներ կատարելու մասին» ՀՕ-267-Ն օրենքով Բնապահպանության և ընդերքի տեսչական մարմինը դուրս է եկել բնապահպանության նախարարության համակարգից, այդ պատճառով անդրադառնալով Ձեր կողմից ներկայացված արձանագրությամբ բարձրացված հարցերին արձագանքել ենք միայն բնապահպանության նախարարության գործառույթներին վերաբերվող կետերին:

2. Արձանագրության IV-րդ բաժնի 2-րդ կետով ԲՆ ԲՊՏ, ԷԵԲՊՆ ԸՏՄ և ԲԸՏՄ միջև գույքի հանձնման-ընդունման ակտերի ստորագրված պատճենները ներկայացվել են ՀՀ հաշվեքննիչ պալատին բնապահպանության նախարարի 2018թ-ին դեկտեմբերի 7-ին N1/ԱԱ/12730 ելից գրությամբ (պատճենը կցվում է):

3. VIII-րդ բաժնի՝ «Տեսուչների կողմից համազգեստ կրելու պարտավորությունը», արձանագրվածի մասով.

• «Դերձակ» ՍՊԸ-ի հետ կնքված «ՀՀ-ԲՆ-ԳՀ-ԱՊՁԲ-17/13-1» ծածկագրով պայմանագրի տեխնիկական բնութագրում տղամարդու ձմեռային համազգեստի բամբակյա կտորից և «Էլաամոդա» ՍՊԸ-ի հետ «ՀՀ-ԲՆ-ԳՀ-ԱՊՁԲ-17/13-2» ծածկագրով պայմանագրի տեխնիկական բնութագրում տղամարդու ամառային համազգեստի բրդյա կտորից անհամապատասխանությունները եղել են տեխնիկական վրիպակներ, ինչը չի հանգեցրել գնման ընթացակարգի կամ դրա արդյունքների փոփոխմանը, ինչպես նաև գնման գործընթացի մասնակիցների շահերի ոտնահարմանը և վերոնշյալ պայմանագրերով փաստացի մատակարարված ապրանքները լիովին համապատասխանում են ՀՀ կառավարության 2005 թվականի օգոստոսի 18-ի N 2085-Ն որոշմամբ և ՀՀ բնապահպանության նախարարի 2006 թվականի մայիսի 174-ի N 153-Ն հրամանով ամրագրված տեսուչի ամառային և



ձմեռային համազգեստների նկարագրերին: Ընդ որում, ՀՀ կառավարության 2017 թվականի մայիսի 4-ի N 526-Ն որոշման հավելված 1-ով հաստատված «Գնումների գործընթացի կազմակերպման մասին» կարգի 11-րդ կետի 1-ին և 21-րդ կետի 1-ին ենթակետերով սահմանված է, որ պատասխանատու ստորաբաժանումը կազմում և հաստատում է գնման հայտը և գնման մրցույթը կազմակերպվել է ներկայացված հայտի հիման վրա:

- Տարածքային մարմինների աշխատակիցների գնահատականը համազգեստի չկրելու պատճառները չափսերի անհամապատասխանության ու որակազրկված լինելու մասին, հայտնում եմ, որ պատասխանատու ստորաբաժանման կողմից (Բնապահպանական պետական տեսչություն) տրվել է դրական եզրակացություն և սահմանված կարգով ընդունվել են մատակարարված ապրանքները (կցվում է հայտը նախագծողի եզրակացությունը, պայմանագրի արդյունքը գնորդին հանձնելու փաստը ֆիքսելու վերաբերյալ ակտը և տեսչական մարմնի պետի կողմից ստորագրված հանձնման-ընդունման արձանագրությունը) (պատճենը կցվում է):

- 2017-2018 թթ. տեսչական մարմնի կողմից կատարված 9 597 960 դրամի հանդերձանքի գնումն անարդյունավետ ծախս որակելու գնահատականի վերաբերյալ հայտնում եմ, որ 2018 թվականին տեսչական մարմնի կարիքների համար հանդերձանքի գնում ընդհանրապես չի իրականացվել, իսկ 2017 թվականին տեսչական մարմնի կարիքների համար հանդերձանքի ձեռքբերման վերաբերյալ Հաշվեքննիչ պալատի գնումը որպես անարդյունավետ ծախսի որակման գնահատականը չի բխում «Հաշվեքննիչ պալատի մասին» օրենքի 13-րդ հոդվածի 2-րդ մասի պահանջներից (Հաշվեքննիչ պալատն իր կողմից բացահայտված անհամապատասխանությունների և խեղաթյուրումների վերաբերյալ որակում չի տալիս և դրանց հետևանքների վերաբերյալ կանխատեսումներ չի անում): Ինչ վերաբերում է հանդերձանքի գնման անարդյունավետ ծախսի որակմանը, բնապահպանության նախարարությունը համամիտ չէ տրված գնահատականին:

Առդիր՝ 24 թերթ:

Հարգանքով՝

պաշտոնակատար

Է. Գրիգորյան

X

